



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-202-3/26**
Datum: **15.07.2026. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Hidrogradnja“ d.d. Sarajevo - u stečaju Podružnica „Sigma“, za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije sa pratećim sadržajima, lociranih u naselju Butmir, općina Ilidža, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Hidrogradnja“ d.d. Sarajevo - u stečaju, Podružnica „Sigma“, daje se vodna dozvola za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije izgrađenih na zemljištu označenom kao k.č. 1586/1, 1587 i 1588/1 K.O. Butmir, općina Ilidža.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, pod sljedećim uslovima:
 - 3.1. Da se aktivnosti na prostoru postrojenja za proizvodnju betona obavljaju u skladu sa uobičajenom praksom za ovu vrstu djelatnosti, te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnici, betonski kanali i slivnici, kanalizaciona mreža, reviziona okna i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.4. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.5. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20, 1/24), te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.7. Ukoliko Vlada Kantona Sarajevo propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
 - 3.8. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske galanterije, redovno prikuplja i propisno privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, "Hidrogradnja" d.d. Sarajevo - u stečaju Podružnica „Sigma“, obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije sa pratećim sadržajima, lociranih u naselju Butmir, općina Ilidža, kapacitet 10-12 m³/sat, izgrađenih na zemljištu označenom kao k.č. 1586/1, 1587 i 1588/1 K.O. Butmir, općina Ilidža.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

A-Opšta dokumentacija:

- Aktuelni izvod iz sudskog registra, broj:065-0-RegZ-26-001484 od 05.02.2026. godine izdat od strane Općinskog suda u Sarajevu – kopija,
- Rješenje o izmjenama podataka, broj: 065-0-Reg-16-004891 od 20.04.2017. godine izdato od strane Općinskog suda u Sarajevu – ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-2794-2/17 od 22.05.2017. godine izdato od strane Uprave za indirektno-neizravno oporezivanje Banja Luka - ovjerena kopija,
- Uvjerjenje o poreznoj registraciji od 10.05.2017. godine izdato od strane Kantonalnog poreznog ureda Sarajevo - ovjerena kopija,
- Kopija katastarskog plana, Ur broj:04-26-495/2026-1 od 09.02.2026. godine izdata od strane Službe za imovinsko-pravne, geodetske poslove, katastar nekretnina i upravljanje imovinom općine Ilidža – kopija,
- Zemljišnoknjižni izvadak, Katastarska općina SP_ GORNJI Butmir broj:011095/26 Zemljišnoknjižni uložak broj:3184 izdat od strane Općinskog suda u Sarajevu – kopija,
- Zemljišnoknjižni izvadak, Katastarska općina SP_ GORNJI Butmir broj:011093/26 Zemljišnoknjižni uložak broj:3282 izdat od strane Općinskog suda u Sarajevu – kopija,
- Zemljišnoknjižni izvadak, Katastarska općina SP_ GORNJI Butmir broj:011094/26 Zemljišnoknjižni uložak broj:5634 izdat od strane Općinskog suda u Sarajevu – kopija,
- Izvještaj o inspekciji br. 183E1/26 od 16.02.2026. urađen od strane „Inspekt RGH“ d.o.o. Sarajevo,
- Izvještaj o inspekciji br. 183E3/26 od 16.02.2026. urađen od strane „Inspekt RGH“ d.o.o. Sarajevo,

- Izvještaj o inspekciji br. 1965E1/25 od 20.10.2025. urađen od strane „Inspekt RGH“ d.o.o. Sarajevo,
- Izvještaj o inspekciji br. 1474E1/25 od 25.08.2025. urađen od strane „Inspekt RGH“ d.o.o. Sarajevo,
- Izvještaj o inspekciji br. 1474E3/25 od 25.08.2025. urađen od strane „Inspekt RGH“ d.o.o. Sarajevo,
- Izvještaj o inspekciji br. 112E1/24 od 14.05.2025. urađen od strane „Inspekt RGH“ d.o.o. Sarajevo,
- Izvještaj o inspekciji br. 112E3/24 od 10.02.2025. urađen od strane „Inspekt RGH“ d.o.o. Sarajevo,
- Izvještaj o inspekciji br. 112E1/24 od 10.02.2025. urađen od strane „Inspekt RGH“ d.o.o. Sarajevo,
- Ugovor potpisan sa „Delta Petrol“ d.o.o. Kakanj, broj:743/26-DS od 25.03.2026. godine – kopija,
- Rješenje o prethodnoj vodnoj saglasnosti, broj:UP-I/25-40-464-4/08 od 04.06.2008. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj saglasnosti, broj:UP-I/25-2-40-320-2/10 od 22.07.2010. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj:UP-I/25-3-40-669-7/18 od 27.03.2019. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj:UP-1/21-3-40-089-5/24 od 19.04.2024. godine izdato od strane Agencije za vodno područje rijeke Save, Sarajevo – kopija,
- Radni nalog „Delta petrol“ d.o.o. Kakanj, broj:03/05.26 od 06.05.2026. godine – kopija,
- Punomoć podnosioca zahtjeva, broj: 987/26 od 16.04.2026. godine,
- Dokaz o uplaćenju federalnoj upravnoj taksi na zahtjev.

B Tehnička dokumentacija:

- Glavni projekat odvodnje zaprljanih površinskih voda sa armiračkog placa, hale teraco, hale ventilacije i betonare AB 24, urađen od strane „Zavod za vodoprivredu“ d.d. Sarajevo, decembar 2009. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodnog pogona „Hidrogradnja“ d.d. Sarajevo - u stečaju Podružnica „Sigma“ Butmir, općina Ilidža i tom prilikom sačinjen Zapisnik o izvršenom uviđaju broj:UP-1/21-3-40-202-2/26 od 14.07.2026. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

U skladu sa zahtjevima iz rješenja o vodnoj dozvoli, broj:UP-1/21-3-40-089-5/24 od 19.04.2024. godine pravno lice je realizovalo (u skladu sa dostavljenim dinamičkim planom ulaganja) projektovane aktivnosti, a sve u skladu sa projektnom dokumentacijom: Glavnim projektom odvodnje zaprljanih površinskih voda sa armiračkog placa, hale teraco, hale ventilacije i betonare AB 24, urađen od strane „Zavod za vodoprivredu“ d.d. Sarajevo, decembar 2009. godine.

- Investitor je realizovao izgradnju sistema prikupljanja, transporta, tretmana i ispuštanja prečišćenih voda preko monitoring okna u rijeku Željeznicu.

- Sve vode sa radno manipulativnih proizvodnih površina se prikupljaju i odvođe na tretman do taložnika dimenzija cca 6,80x2,80x3,5 i 1,60x2,85x3,5 m nakon čega se preko monitoring okna tretirane vode ispuštaju u rijeku Željeznicu kao konačan recipijent.

- Investitor je izradio situacioni prikaz-šemu, u odgovarajućoj razmjeri, sistema prikupljanja, transporta i tretmana otpadnih voda, kao i mjesta njihovog ispuštanja u definisani recipijent - rijeku Željeznicu, za kompletan prostor Podružnice Sigma, Butmir, općina Ilidža - hidrotehnička faza.

- Monitoring kvaliteta i kvantiteta otpadnih voda, po ugovoru radi „Inspekt-RGH“ d.o.o. Sarajevo. Prema rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u prirodne recipijente i sisteme javne kanalizacije.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama i članova

12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva "Hidrogradnja" d.d. Sarajevo - u stečaju Podružnica „Sigma“ Butmir, općina Ilidža ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona i betonske galanterije kapaciteta 10-12 m³/h, izgrađenog na zemljištu označenom kao k.č. 1586/1, 1587 i 1588/1 K.O. Butmir, općina Ilidža, te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačkom B. obrazloženja rješenja

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- "Hidrogradnja" d.d. Sarajevo - u stečaju
- Izeta Čomore b.b., 71210 Ilidža, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava